



## Concello de Lourenzá

Praza do Conde Santo, s/n - 27760 - Lugo

Tif: 982 121 006 - 982 121 552

Fax: 982 121 506

CIF: P2702700B

REL: 01270272



### **PROPOSTA DA ALCALDIA PARA A APROBACIÓN DAS BASES PARA A ACTIVIDADE DO DENOMINADO “MERCADO DAS PRAZAS”.**

En Lourenzá a 15 de Maio de 2016

A orixe dos mercados data de tempo inmemorial, tense razón deles dende o ano 1774, que se celebraban no “Campo de Ge y Sotelo” (segundo Lence Santar) sito preto do solar que ocupa hoxe o colexio de Infantil e Primaria; e logo por distintos avatares pasou a celebrarse no “Campo de Alaxe”, inmediato tamén á vila.

No ano 1829 foi interrompida a costume que había de celebrar os mercados os domingos e festivos, o que motivou desavenencias entre a Igrexa e os Concellos, dando lugar a unha Real Orde de data 30 de maio de 1833 na que se autorizaba a celebrar as feiras e mercados en domingos e festivos, exceptuando o Xoves e Venres Santo e o día de Corpus.

Consecuencia de todo iso foi a oportuna solicitude del Ayuntamiento de Villanueva de Lorenzana con data 31 de marzo de 1836 para celebrar unha feira mensual e un mercado semanal na vila. No citado expediente fálase do seguinte: “la fertilidad de su campiña, industria y economía de sus laboriosos pobladores. Lorenzana da su nombre en los mercados del Reino a la manufactura de lienzo. La misma es afamada por la cría de especie de ganado vacuno, mular y caballar. Abundan en este valle los cereales, como el trigo, centeno y mucho más el maíz, habas y patatas, el lino, el vino, frutas, legumbres y las hortalizas; elementos todos de un activo comercio internos y externos. Villanueva de Lorenzana es forzoso paso para la comunicación litoral al océano desde Portugal a Francia, atravesando toda la Galicia y Asturias de Occidente a Oriente y viceversa. Villanueva es un centro de relaciones económicas de un crecido número de pueblos, cuya industria, medios de subsistencia, hábitos y dialectos simpatizan o son idénticos y unísonos”.

Contaba a Vila por este ano con 100 veciños e a parroquia de Santa María cuns 400.

O 23 de xaneiro de 1837 D. Isidro Rodríguez Ferreras viaxa a Madrid para interesarse polo expediente. A gracia da raíña Isabel II chega ese ano, e sae publicada no Boletín Oficial de Lugo nº 63 de data 6 de agosto de 1837; así o primeiro mercado dominical celébrase na plaza pública da Vila o 13 de agosto dese ano de 1837.

Para o seu fomento e organización obrígase a todo veciño da parroquia a asistir ou persoa no seu nome, baixo multa dunha peseta para obras do común; a cuio fin se lles avisará por pedáneos. Establecéndose un horario de apertura e peche: dende as oito da mañá as dúas da tarde. Os concurrentes debían traer algún artigo de comercio ou industria como toda clase de grans, semillas, comestibles, legumes. O precio da venda



## Concello de Lourenzá

Praza do Conde Santo, s/n - 27760 - Lugo

Tif: 982 121 006 - 982 121 552

Fax: 982 121 506

CIF: P2702700B

REL: 01270272



quedaba a vontade do vendedor. Os sitios onde se ían colocar as diversas clases de comercios sería obxecto de outro acordo.

Enviáse edictos anunciando a celebración dos devanditos mercados ó Concello do Valle de Lorenzana, a Cabarcos, a Rivadeo, a Villaronte e a Barreiros.

E de gran valor un documento existente no arquivo municipal onde recolle un listado de prezos máximos e mínimo nos mercados dominicais dende 1837 ata decembro de 1839

Así o cadro do citados prezos no primeiro mercado celebrado o 13 de agosto de 1837 é o que segue.

<i>Precios</i>	<i>Fanegas de 4 ferrados</i>					<i>Arrovas castellanas</i>					<i>Cerdo</i>	
	<i>Trigo</i>	<i>Centeno</i>	<i>maíz</i>	<i>Cevada</i>	<i>habas</i>	<i>Patatas</i>	<i>Lino</i>	<i>Manteca</i>	<i>Vino</i>	<i>Aceite</i>	<i>Toc</i>	<i>jamón</i>
<i>Maximo</i>	44	36	46		42	5	106	75	18	81	75	76
<i>Mínimos</i>	42	35	44		40	4	102	72	12	“	72	75

Nas observacións feitas indícase que neste primeiro mercado as compras destes artigos se fixeron polos habitantes da Vila para o seu consumo e algo para traficar.

No mercado de setembro dese ano xa se constata a presenza de xentes doutros concellos.

A toponimia da nosa Vila deixa constancia da importancia que estes mercados tiveron, de ahí o nome actual das “Plazas” onde se situaban gran parte dos postos do mercado.

Asimesmo a nosa arquitectura popular deixa vestixios, e así hai que indicar que os soportais existentes na praza Linares Rivas servían tamén para que se ubicaran os diferentes postos.

Os mercados dominicais seguiron celebrándose ata ven entrados os anos 70 do século pasado. Hoxe en día aínda se recordan deles tanto os habitantes da Vila como os veciños e persoas doutros concellos que acudían aquí vender e mercar os produtos .

Pola información recollida de laurentinos falannos de que os feirantes ocupaban sitios fixos; así o posto de carne de porco colocábase na praza Linares Rivas diante da Casa de Lagarón, os posto de telas onde hoxe están os taxis. Non faltaban postos de peixe que viñan de Foz, os famosos queixos da Pitera, e un sin fin máis de mercadorías.



## Concello de Lourenzá

Praza do Conde Santo, s/n - 27760 - Lugo

Tif: 982 121 006 - 982 121 552

Fax: 982 121 506

CIF: P27027008

REL: 01270272



Trátase pois, de recuperar unha práctica moi antiga que se celebraba no Concello de Lourenzá, o Mercado das Prazas; co obxecto de mellorar a promoción e comercialización dos produtos hortofrutícolas da zona, perseguindo como fin último o desenvolvemento socioeconómico do territorio.

O concello de Lourenzá, titular da competencia de mercados e feiras ( artigo 25.2.g) da Lei 7/1985) quere recuperar esta tradición e consolidar un mercado que cumpra unhas funcións esenciais nestes tempos de crise, e que permita aos agricultores da zona e outros produtores artesanais poder dar a coñecer os seus produtos de forma diferenciada, e así a poboación local e os numerosos visitantes gozen da gran calidade do mesmos, sempre dentro dun contexto e dun control do orixe dos produtos e de profesionalización progresiva da comercialización dos mesmo dotándoos dunha estabilidade que favoreza a súa inserción no mercado dun xeito conxunto.

En virtude do que antecede e co fin de actuar de cara a mellorar as condicións de desenvolvemento da actividade de produción hortofrutícola e artesanal na zona, establecendo unha cooperación que tenda a unir e sumar os esforzos de cara a posibilitar unha maior rendibilidade e implicación no desenvolvemento dos recursos endóxenos, establécense para o fin referido, as seguintes cláusulas.

### **Primeira.- Obxecto**

As presentes bases teñen por obxecto establecer o funcionamento para o desenvolvemento da organización e funcionamento dunha actividade de mercado de produtos de proximidade en Lourenzá que se denomina “ Mercado das Prazas” relacionados con produtos da horta e de artesanía—obtidos directamente polo produtor/a, a tenor de que neste Concello os domingos son un día no que algúns comercios se atopan abertos e se desenvolve a actividade comercial véndose a memoria histórica e a documentación correspondente que ampara a recuperación do mercado dominical.



## **Concello de Lourenzá**

Praza do Conde Santo, s/n - 27760 - Lugo

Tlf: 982 121 006 - 982 121 552

Fax: 982 121 506

CIF: P2702700B

REL: 01270272



### **Segunda .- Modaliade de xestión**

Actuando baixo o presuposto de economía e eficiencia a actuación pública e de fomento do desenvolvemento económico e da participación na xestión pública para esta actuación concreta, a xestión do “ Mercado das Prazas” corresponderá ao Concello de Lourenzá, para garanti-la incardinación desta actividade dentro dos obxectivos da actividade do Concello. Ademais, a actividade estará supervisada por un operario designado polo propio Concello.

### **Terceira.-**

O “Mercado das Prazas” celébrase na prazo do Conde Santo.

O “Mercado das Prazas” terá lugar os segundos e cuartos domingos de cada mes durante o período comprendido entre Xuño e Outubro, ambos inclusive; sen prexuízo dos acordos que entre o Concello de Lourenzá e os produtores podan chegar de cara a organizar este mercado noutros días ou períodos.

O horario de apertura do “Mercado das Prazas” será de 09:00 horas a 14:00 horas.

### **Cuarta.- Dos produtos do mercado**

O “Mercado das Prazas” será un mercado que ten por obxecto fomentar a economía da proximidade, outorgando unha importancia especial as produtos hortofrutícolas, de produtos colleitos na Comarca onde se integra Lourenzá e na súa zona limítrofe, non sendo admisible a venda de produtos alleos a esta zona, e correspondendo a distribución dos mesmos á outras canles, por non responder ó obxectivo finalista da promoción hortofrutícola e artesanal da zona que se procura a través desta actuación.

Tamén terán cabida no “Mercado das Prazas” os produtos alimentarios de calidade resultantes dalgunha transformación artesanal, así como aqueles outros que non estando destinados á alimentación, sexan tamén o resultado dun traballo artesanal, en Lourenzá ou zonas limítrofes.

Por outra banda, tamén poderán estar presentes no “Mercado das Prazas” pequenos animais domésticos, cumprindo a normativa vixente.

Será o propio Concello de Lourenzá o responsable de garantir o cumprimento deste punto, para elo realizará unha valoración de cada posto participante indicando o cumprimento deste punto.



## Concello de Lourenzá

Praza do Conde Santo, s/n - 27760 - Lugo

Tif: 982 121 006 - 982 121 552  
Fax: 982 121 506  
CIF: P2702700B  
REL: 01270272



### **Quinta.- Dos participantes no “Mercado das Prazas”**

Para poder dispor dun stand no “Mercado das Prazas” será preciso:

- As persoas interesadas na obtención da correspondente autorización municipal para o Mercado das Prazas, presentarán ante o Concello solicitude de acordo co modelo normalizado que figura no anexo I das presentes bases, especificando os seus datos persoais e produtos que pretende comercializar.
- Estar en activo, é dicir, ter a Explotación dada de alta no Réxime correspondente e estar legalmente establecido segundo a regulamentación e lexislación aplicable

Establécese a prioridade para acceder a un posto no Mercado a favor das explotacións sitas no propio Concello de Lourenzá, e, de quedar postos vacantes, estes serán ocupados por outros produtores hortofrutícolas ou artesáns, seguindo o criterio de dar prioridade aos censados en Lourenzá fronte os alleos e en todo caso debendo cumprirse o requisito de que os produtos sexan colleitos na comarca de Lourenzá ou zonas limítrofes (dentro dos límites máximo de representación do sector hortofrutícola establecido), ou de ser artesáns producidos ou transformados nestas zonas.

De cara a ter un mercado diversificado e atractivo, establécese un máximo de postos adicados ao mesmo xénero, que será dun 50 % dos mesmos.

Os participantes no “Mercado das Prazas” estarán suxeitos á obtención de calquera outro permiso ou licenza que pola natureza da súa actividade requiran e á normativa que lles sexa aplicable, debendo dispor, no seu caso, dos carnés profesionais correspondentes.

A proposta da Alcaldía-Presidencia ditará unha resolución declarativa das titularidades dos postos, polo período de cada anualidade natural.

Por norma xeral, establécese, o día 30 de Maio de cada ano natural como data máxima para presentar as solicitudes para participar anualmente dentro do mercado.

### **Sexta.- Número máximo de participantes**

O número de participantes no “Mercado das Prazas” estará limitado polo número de stands aportados polo Concello de Lourenzá, que neste primeiro ano será de 10 (dez); non podendo emprazarse no mesmo ningún outro posto, agás que polo Concello de Lourenzá, se resolva autorizar outros postos en exercicio da súa competencia.



## Concello de Lourenzá

Praza do Conde Santo, s/n - 27760 - Lugo

Tif: 982 121 006 - 982 121 552

Fax: 982 121 506

CIF: P2702700B

REL: 01270272



### Setima.- Obrigas do Concello de Lourenzá

O Concello de Lourenzá, en virtude destas bases, asume as seguintes obrigas:

- a) Garantir que o lugar de asentamento do “Mercado das Prazas” estea libre de calquera obstáculo que impida a correcta celebración do mesmo, sempre que este se celebre.
- b) Realizar o seguimento e coordinación do “ Mercado das Prazas”
- c) Propoñer un cambio de asentamento do Mercado, de ser isto necesario por algunha causa xustificada, garantindo todo o establecido no punto a).
- d) Garantir en todo momento que o “Mercado das Prazas” cumpra coa normativa sanitaria, e con calquera outra que estableza a lexislación vixente, dentro do ámbito da competencia local.
- e) Impedi-la actividade de vendedores non autorizados dentro do recinto do Mercado.
- f) Realizar o seguimento das actividades establecidas nos postos, garantindo que cumpren as condicións para acceder ao posto.
- g) Realizar informes de valoración sobre os postos autorizados ou solicitudes de participación cando así sexa necesario.
- h) Comprometerse a proporcionar os stands unha hora antes da hora de apertura do mercado e recoller os mesmos unha vez finalizado.
- i) A proposta de melloras para o mellor cumprimento dos fins do Mercado.
- j) Propoñe-las campañas publicitarias que resulten oportunas e cantas actuacións sexan necesarias para coidar e potenciar a imaxe do Mercado e manter o seu prestixio.
- k) Manter contactos con Asociacións de Veciños, de Comerciantes e de Consumidores con proxección na zona de influencia do Mercado, para coñecer a súa propia opinión sobre o funcionamento do mesmo e propoñer as suxestións oportunas.
- l) Promove-la realización de cursos de formación entre os titulares dos postos.



## Concello de Lourenzá

Praza do Conde Santo, s/n - 27760 - Lugo

Tif: 982 121 006 - 982 121 552  
Fax: 982 121 506  
CIF: P2702700B  
REL: 01270272



### **Oitava.- Obrigas dos Produtores e titulares dos postos**

Os produtores e titulares dos postos serán os encargados de:

- a) A montaxe e desmontaxe dos stands cada Domingo no que se celebre o Mercado, así como de deixa-lo lugar de celebración do “Mercado das Prazas” sen restos e/ou desperdicios que se podan xerar pola actividade do mesmo.
- b) Manter en bo estado de conservación os stands.
- c) Comunicar ao Concello a posible baixa dos postos cunha antelación de 15 días.
- d) Notificar ao Concello de Lourenzá a non asistencia ó Mercado, sempre coa antelación suficiente, establecida nun mínimo de cinco días hábiles, para que esta poda cubrir a vacante con outros interesados segundo a lista de espera existente.
- e) Mante-lo posto aberto ó público debidamente abastecido durante o horario de celebración do Mercado.
- f) Non usar parte algunha fora do entorno do posto para o depósito, colocación ou exposición de mercancías.
- g) Velar polo bo funcionamento do “Mercado das Prazas”.
- h) Acatar e realizar tódalas medidas que o Concello de Lourenzá dispoña para a mellor orde e servizo do mesmo
- i) Asistir a tódolos mercados que se celebren salvo causa xustificada que se deberá comunicar ao Concello de Lourenzá, segundo o punto d)

### **Novena.- Réxime económico da actividade**

Os gastos necesarios para o bo funcionamento do “Mercado das Prazas” (publicidade, conservación e mantemento dos stands. etc.) serán asumidos polo Concello de Lourenzá.

Para os produtores e titulares dos postos durante o primeiro ano de celebración do “Mercado das prazas” será gratuíto e en anos posteriores terá un custo acordado entre o Concello de Lourenzá e os propios produtores, en función das expectativas acadadas o



## Concello de Lourenzá

Praza do Conde Santo, s/n - 27760 - Lugo

Tif: 982 121 006 - 982 121 552

Fax: 982 121 506

CIF: P2702700B

REL: 01270272



primeiro ano, contía que será entregada ao empregado municipal encargado en cada momento.

### **Décima.- Da asignación dos postos**

O Concello de Lourenzá será o encargado de asignar los stands ós participantes no mesmo sempre seguindo a orde de preferencia establecida nestas bases.

Os agricultores e artesáns que participaron nas primeiras edicións deste Mercado das prazas e que teñan a explotación censada no propio Concello de Lourenzá procurarase que teñan titularidade permanente dos postos que lles sexan asignados, sempre que cumpran coas obrigas establecidas nestas bases para os titulares dos postos e tendo en conta aquilo establecido na perda de condición de titular do posto. Independentemente deste criterio, deberán acreditar anualmente que cumpran as obrigas como participantes na data establecida neste convenio de cara a participar anualmente no mercado dos domingos

O Concello de Lourenzá será o encargada de recibir e analizar as solicitudes de asistencia ó mercado, e terá a obriga de elaborar e facer pública unha lista de espera de participantes, segundo a seguinte baremación:

1. Lugar de empadramento do/a titular da explotación (máximo 3 puntos)
  - a. 3 puntos se pertence ao Concello de Lourenzá
  - b. 2 puntos se pertence a algún concello limítrofe con Lourenzá.
  - c. 1 punto se pertence a calquera outro concello.
2. Segundo o xénero ou variedades a comercializar regularmente (máximo 4 puntos)
  - a. 1 punto se só comercializa ata dúas variedades de produto.
  - b. 2 puntos se comercializa entre 3 e 6 variedades de produto distintas.
  - c. 3 puntos se comercializa entre 7 e 10 variedades de produto distintas.
  - d. 4 puntos se comercializa máis de 10 variedades de produto distintas.
3. Segundo a idade do titular da explotación (máximo 3 puntos)
  - a. 3 puntos se o/a titular ten entre 18 e 30 anos.
  - b. 2 puntos se o/a titular ten entre 31 e 45 anos.
  - c. 1 punto se o/a titular ten máis de 45 anos.

En caso de empate seguirase estricta orde de data de solicitude.

Así mesmo, de cara a garantir o cumprimento dos requisitos para participar neste mercado, débese renovar a solicitude anualmente, tendo como prazo límite xeral o 30 de Maio de cada ano.





## **Concello de Lourenzá**

Praza do Conde Santo, s/n - 27760 - Lugo

Tif: 982 121 006 - 982 121 552  
Fax: 982 121 506  
CIF: P2702700B  
REL: 01270272



### **Duodécima.- Da perda da condición de titular do posto**

Os titulares dos stands, poderán perder a súa condición como tales polas seguintes causas:

- a) Por deixar de desenvolver directamente unha actividade de produción hortofrutícola ou artesanía nas condicións establecidas para a participación no Mercado.
- b) Por deixar de cumprir algún dos requisitos establecidos na cláusula quinta.
- c) Por renuncia voluntaria do titular.
- d) Cando os postos estean desabastecidos reiteradamente ou se incumpra o horario vixente para o Mercado, sen causa que o xustifique.
- e) Cando o titular incumpra reiteradamente as obrigas establecidas nestas bases.
- f) Cando a xuízo do Concello de Lourenzá, o titular prexudique o bo funcionamento do Mercado ou contribúa ó seu desprestixio.
- g) Cando non asista ao mercado 3 veces seguidas ou 4 alternativas sen causa que o xustifique.

A perda da condición de titular do stand tramitarase mediante expediente contradictorio coa audiencia do titular e corresponderá á resolución correspondente a Alcaldía-Presidencia do Concello.

### **Decimoterceira.- Do Concello de Lourenzá e as súas funcións**

O Concello de Lourenzá asignará un membro do seu cadro de persoal, que terá ao seu cargo o cumprimento das seguintes funcións:

- a) Rexer, dirixir e inspeccionar o “Mercado das Prazas”, así como controlar a asistencia.
- b) Será o encargado de verificar, coa periodicidade que estime oportuna, que os vendedores do Mercado cumpran tódolos requisitos esixidos para a súa participación no mesmo.
- c) Esixir a máis estrita observancia dos horarios establecidos.
- d) Recibir e analiza-las queixas e suxestións emitidas tanto por compradores como por vendedores.



## Concello de Lourenzá

Praza do Conde Santo, s/n - 27760 - Lugo

Tif: 982 121 006 - 982 121 552

Fax: 982 121 506

CIF: P2702700B

REL: 01270272



- e) Propoñer ao Concello de Lourenzá as medidas que considere necesarias para corrixir posibles deficiencias detectadas no Mercado.
- f) Elaborar tanta información sexa preciso subministrar ó Concello de Lourenzá e os propios titulares dos postos.
- g) Rexe-lo funcionamento do Mercado, polo que calquera problema que xurda deberá serlle comunicado ao Concello de Lourenzá, para que sexa este o que ditamine a solución do mesmo.
- h) Terá a potestade de propor á Alcaldía establecer, como sanción, a perda temporal ou definitiva da titularidade do posto, cando o considere imprescindible e xustifico para o bo funcionamento do Mercado. A proposta de sanción será comunicada por escrito ó titular do posto, expoñendo con claridade o motivo da mesma, e contra esta sanción admitirase recurso, correspondendo á Alcaldía a pertinente Resolución.

### **Decimocuarta.- Duración as bases**

As bases estrarán en vigor o día da súa sinatura e terá vixencia ata o 30 de Maio do ano 2017, podendo ser obxecto de prórroga automática, con carácter anual, se con unha antelación de 15 días ó remate de cada exercicio natural anual non foran modificadas.

### **Decimoquinta.- Carácter das bases**

As presentes bases terán carácter administrativo rexéndose os seus efectos polo establecido nas súas cláusulas, e no seu defecto, polos principios xerais establecidos no Real Decreto legislativo 3/2011, de 14 de novembro, polo que se aproba o TR da Lei de Contratos do Sector Público xunto coas demais disposicións legais vixentes en materia de contratación administrativa.

A xurisdicción competente para resolve-las cuestións litixiosas que puideran xurdir será a Contencioso-Administrativa, someténdose aos Xulgados da provincia de Lugo e Tribunal Superior de Xustiza de Galicia.

E en proba de conformidade cos termos das bses asínanse e rubrícanse, no lugar e data indicados no encabezamento.

A Alcaldesa

Asdo.: Rocío López García



ANEXO I



## MERCADO DAS PRAZAS SOLICITUDE

### DATOS DO TITULAR

NOME DO PROXECTO/RAZON SOCIAL		N.I.F.
ACTIVIDADE ECONOMICA		
CÓDIGO DE EXPLOTACIÓN		
DOMICILIO		
LOCALIDADE	PROVINCIA	CODIGO POSTAL
TELÉFONO	MOBIL	CORREO ELECTRÓNICO
PRODUTOS A COMERCIALIZAR		

### DATOS DO DOMICILIO A EFECTOS DE NOTIFICACIÓN (SE É DISTINTA DA ANTERIOR)

RÚA		
LOCALIDADE	PROVINCIA	TELÉFONO

### DOCUMENTOS QUE SE ACOMPAÑAN Á SOLICITUDE

- DNI/ NIE do/a titular.
- Código de Explotación Agraria a nome do titular, de ser o caso.
- Alta no Rexistro de Explotacións acollidas ao Réxime de Venda Directa, se é caso.
- Certificado de empadramento do/a titular.

### A/A ILMA. SRA. ALCALDESA DO CONCELLO DE LOURENZÁ

*O Concello de Lourenzá informa que os datos facilitados serán tratados informáticamente, tendo Vde. o dereito ao seu acceso, rectificación e cancelación de conformidade coa Ley Orgánica 15/1999 de Protección de Datos de Carácter Persoal.*